



# Meland kommune

## Tilleggsinnkalling til Kommunestyret

**Møtedato:** 14.12.2016  
**Møtestad:** Kommunestyresalen  
**Møtetid:** 17:00

Kommunestyret startar med spørjetime.

Medlemmene i kommunestyret vert med dette kalla inn til møtet. Den som har lovleg forfall, eller er ugild i nokon av sakene, må melde frå så snart råd er på forfallskjema på kommunen si heimeside, slik at varamedlem vert innkalla.

Varamedlemmer møter berre etter nærare avtale.

Dokument som ikkje er tilsende, kan du få kopi av på dokumentsenteret. Dokument som ikkje er offentlege, vil bli utlevert i møtet. Dersom medlemmene på førehand ynskjer å gjera seg kjend med innhaldet i desse dokumenta, er dei tilgjengeleg på dokumentsenteret

### Sakliste

Saknr	Tittel
133/2016	Satsar for tilskot til barn i private barnehagar 2017

28. desember 2016

Øyvind H. Oddekalv  
møteleiar

Rita Cecilie Kvalheim Sætre  
sekretær

# Sakspapir

Saksbehandlar	Arkiv	ArkivsakID
Merete Rosslund Fløysand	FE - 233, FE - 223	16/2492

Saksnr	Utvalg	Type	Dato
133/2016	Kommunestyret	PS	14.12.2016

## Satsar for tilskot til barn i private barnehagar 2017

### Vedlegg:

Tilskot til private barnehagar i 2017-fastsetjing av satsar

### Saksopplysningar:

Kommunestyret i Meland vedtok i møte 09.11.2016, sak 99/16 satsar for driftstilskot pr barn i dei private barnehagane i budsjettåret 2017. Vi syner til den tidlegare saksutgreiinga men kjem her med korrigererte opplysningar som påverkar utrekninga av satsar.

Grunnlaget for utrekning av tilskot til private barnehagar er rekneskap i den kommunale barnehagen 2 år før budsjettåret. For satsane i 2017 gjeld tal i rekneskapen for 2015. Rekneskapstala skal oppjusterast med kommunal deflator til 2017-prisnivå. I tillegg skal vi i utrekninga ta omsyn til satsar for kapitaltilskot og satsar for maksimum foreldrebetaling som departementet fastset.

I sak om utrekning av minimum tilskotssatsar i 2017 for Meland kommune er det gjort to feil som gjer at minimumssatsane er fastsett for høgt. Litt av dilemmaet for ein kommune er at forskrifta for lik handsaming av kommunale og private barnehagar pålegg kommunen å fatte vedtak om satsar for neste år, seinast 31. oktober. Opplysningane vi treng frå utdanningsdirektoratet for å gjere ei rett utrekning og eit rett vedtak kjem for seint til å vi kan rekke denne fristen.

- a. Kommunal deflator for 2016 er i statsbudsjettet for 2017 justert ned frå 2,7% til 2,6%. For 2017 er deflatoren 2,5%. Vi hadde ikkje fått med oss endring i deflatoren for 2016.
  
- b. Satsane for foreldrebetaling per barn er auka frå kr 29.205,- i 2016 til kr 30.030,- i 2017. Endringa kom 13. oktober og vart publisert på nettsida til Utdanningsdirektoratet (Udir). Dette var etter at saka var skriven, og såleis hadde vi ikkje fått med oss endringa når satsane vart rekna ut.

Begge punkta over gjer at satsane vert lågare enn kva vi har rekna med i budsjettframlegget og kva som er lagt til grunn i vedtak om satsar for 2017, i sak 99/2016, i kommunestyret 9. nov. 2016. Dette fører til følgjande endringar i satsane (minimumsberekning) for driftstilskot per barn:  
Små barn 0-2 år: frå kr 180.108,- korrigerert til kr 178.950,-

Store barn 3–6 år: frå kr 85.702,- korrigert til kr 84.600,-

Om ein legg korrigererte minimumssatsar til grunn i budsjettet for 2017 vert tilskottsatsane totalt kr 650.000,- lågare enn i rådmannen sitt framlegg basert på same pårekna barnetal som i budsjettframlegget.

Kommunestyret må avgjere om dei vil endre vedtaket i sak 99/2017 og redusere tilskotsbeløpet i budsjettframlegget til minimumssatsane eller oppretthalde vedtaket om satsar.

### **Vurdering**

Det er sjølvstøtt svært beklageleg at rådmann legg fram ei sak som byggjer på feil faktum. Dei nye opplysningane om deflator og foreldrebetaling var kome kommunen i hende før både formannskapsmøte og kommunestyremøte. Opplysningane burde difor vore retta, slik at vedtaket vart rett.

Når dette ikkje vart gjort meiner rådmann det er rett å la kommunestyret vurdere saka på nytt i lys av dei oppdaterte opplysningane.

Hadde Meland kommune hatt god råd ville det ikkje vore ei stor sak om private barnehagar fekk eit tilskot litt over minimumssatsar. Satsane er uansett ikkje unormalt høge og pengane kjem vel med. På den andre sida er budsjettet for 2017 stramt og vi har måtta foreslå kutt som smertar på mange område. Det er mange behov som ikkje vert dekte godt nok i framlegg til budsjett. Det er difor viktig at kommunestyret er bevisst den prioriteringa dei gjer.

Det endelege tilskotet for kvar einskild barnehage vil vi ikkje vite før vi har barnetal pr 15. desember. Men ut frå vedtekne satsar for 2017 har barnehagane kunna lage prognosar på inntekter i budsjettet for 2017, basert på venta barnetal. Endra tilskottsatsar vil difor venteleg bli oppfatta negativt blant dei private barnehagane.

På den andre sida er kr 650 000,- som vi har rekna skildanden til, ein ikkje ubetydelig sum i Meland kommune.

Folkehelse  
Miljø  
Økonomi

### **Konklusjon**

Kommunestyret må vurdere om dei vil stå på vedtaket frå 9. november, eller justere med satsane for tilskot pr barn i dei private barnehagane.

### **Framlegg til vedtak:**

«Kommunestyret opprettheld sitt vedtak i sak 99/16 om slike tilskottsatsar pr barn for barnehageåret 2017:

Små barn 0-2 år kr 180 108

Store barn 3-5 år kr 85 702,-«

**Alternativt vedtak**

«Kommunestyret justerer barnehagesatsane for 2017 i samsvar med justert deflator og vedteken sats for foreldrebetaling. Nye justerte satsar vert då:

Små barn 0-2 år kr 178 950,-

Store barn 3-5 år kr 84 600,-«